

Theologia

Febr. 2816

Augustinianorum Casim. ad Crac.


Fratrum Ordinis Eremitarum S. Augustini

ap. S. Catharinam: Conclusiones theologiae

dogmatico-historico-apologetico-scholasticae

1750







1750 391087  
CONCLUSIONES THEOLOGICÆ

Dogmatico - Historico - Apologetico - Scholasticæ.

Quæ, quæ ad septem Ecclesiæ Catholicæ Sacramenta spectant,  
universa, discutuntur, atq; complanantur.



DE SACRAMENTIS universim.

I. Sacramenti nomen in Ecclesia merito retinetur. II. Est autem Sacramentum, invisibilis gratiæ signum sensibile, divinitus institutum, & Christi nomine sacroq; ritu exhibitum, & hominum sanctificationem efficiens. III. Abraham omnium primum circumcissum certa argumenta demonstrant. IV. Negari non potest, quin circumcisio fuerit data in signum distinctivum seminis Abraham à reliquis mundi gentibus. V. Instituta etiam fuit circumcisio ad originale peccatum delendum. VI. Idq; non est ab Augustino primum excogitatum. VII. Septem sunt, nec plura, nec pauciora Ecclesiæ Sacramenta. VIII. Temere ac falso autumant hæretici Augustinum duo tantum agnovisse. IX. Christus Iesus immediate omnia legis novæ Sacramenta instituit. X. Quamquam id non sit dogma fidei à Tridentina Synodo definitum. XI. Sacramenta rebus, tanquam materiis, & verbis, tanquam forma, perficiuntur. XII. Non est penes Ecclesiam materiam formamq; Sacramentorum immutare. XIII. Verba, quæ formam Sacramentorum constituunt, non sunt promissionis, aut concionis, sed tantummodo consecrationis. XIV. Solus Homo viator est ordinarius Sacramentorum Minister. XV. Quamvis non sint singuli prorsus homines quorumlibet Sacramentorum ministri. XVI. Possunt Angeli Sancti, vel Beati in cælo regnantes extraordinaria potestate Sacramenta conficere. XVII. Vaset Sacramentum ab improbo scelestissimoq; Ministro collatum, modo nihil eorum desit, quæ ad illius constitutionem sunt necessaria, idest, aut materia, aut forma, aut intentio. XVIII. Sacerdos lethalis culpæ sibi conscius, etsi valide Sacramenta conficiat, impie tamen & illicite eadem conficit, atq; administrat: quod de aliis sacrorum Ministris, præsertim Diaconis, est asserendum. XIX. Ut Sacramentum ratum sit, necessaria est intentio Ministri, qua non irrisorie, & mimice operetur, sed revera proponat in animo facere, quod facit Ecclesia. XX. Hinc si in Ministro sit sola intentio faciendi ritum externum, geratq; ille in animo suo latentem deliberationem non faciendi rem Sacram, ut fieri solet in Christi Ecclesia, etiamsi materiam adhibeat, & formam proferat, nec contraria deliberatio aliqua externa irrisione se prodatur, nullum erit, & irritum Sacramentum. XXI. Necessum tamen non est, ut Sacramentum validum ratumq; sit, ut Minister intendat illius effectum, vel habeat in animo illud peragere, quod fit solemni ritu in Ecclesia Romana, vel explicite credat esse ritum illum revera sacrum & sa-








do baptizandi per immersionem, & quidem trinam. XLIV. Non fuit tamen ad sæculum usq; decimum tertium tria immersio ita communiter recepta, ut probatus aliquando non fuerit baptismus, aut infusione, aut unica mersione collatus. XLV. Quocumq; ritu conferatur baptismus, siue immersione, siue infusione, siue aspergione, validus est; & Ecclesia Romana, quæ præscribit immersionem, aut infusionem, implete, nulliq; iure à Marco Ephesio, aliisq; Græculis reprehenditur. XLVI. Quæ baptizant Latini, legitima est, ac antiquissima verborum formula. XLVII. Græcorum forma baptismi enuntiativa est, non deprecativa: valida & ipsa; nec ab ea, quæ utuntur Latini, substantialiter discrepat. XLVIII. Requiritur ad validitatem baptismi verbum, quo exprimitur actus baptizantis, scilicet *Baptizo*, siue, *Baptizatur*. XLIX. Non valet baptismus absq; expressa Sanctæ Trinitatis invocatione collatus. L. Neq; ab Apostolis baptismus absq; invocatione Trinitatis expressa collatus fuit. LI. Jus baptizandi solemnî ritu Episcopis principaliter datum est, Presbyteris deinde id commissum, non tamen absq; Episcoporum auctoritate. LII. At Diaconus, nonnisi ex delegatione, solemnî ritu baptismum administrare potest. LIII. In casu necessitatis quilibet Homo, etiam Laicus, potest absq; solemnî ritu administrare baptismum. LIV. Mulieres etiam. LV. A Catholicis rebaptizandos hæreticos quæ plurimi veterum tradiderunt, inter quos Agrippinus Carthaginensis Episcopus, Tertullianus, Firmilianus Cæsareæ in Cappadocia Episcopus, Cyprianus Episcopus Carthaginensis, Dionysius Alexandrinus, nec non Basilii Magni. LVI. Quidquid rebaptizantes senserint, valet baptismus ab hæreticis in nomine Trinitatis datus. LVII. Tenet quoq; baptismus à Pagano sub præscripta forma collatus. LVIII. Decreto Stephani probatum non fuit baptismi omnium promiscue hæreticorum, sed consecratum duntaxat Evangelicis verbis, idest, in nomine Trinitatis collatum. LIX. Sanctus Athanasius, Optatus Milevitanus, & Cyrillus Hierosolymitanus, rebaptizantibus minime sunt accensendi. LX. Licitum, & congruum est, infantes ante usum rationis sacro regenerari baptismate. LXI. Pueri infidelium, Parentibus reluctantibus & invitis, casibus quibusdam exceptis, baptizari, salva æquitate, non queunt. LXII. Baptismus Matris, aut signum aliquod ei applicatum, nec pertingens ad ablucendum puerum, quem gestat in utero, ad hunc regenerandum nequaquam sufficit. LXIII. Neq; ante aperitionem uteri potest infans ex aqua & Spiritu Sancto renasci. LXIV. In ipso deniq; puerperio, licet per siphunculum, aut syringiam posset aqua perfundi puer, baptizandus non est, nisi aliquam corporis sui partem foras emiserit. LXV. Baptismi Sacramentum in illis adultis, qui simulato animo ad ipsum accedunt, sublato postmodum obice reviviscit. LXVI. Errorem illorum, qui vel mortuos, vel viventes, pro mortuis baptizant, damnamus, detestamurq; LXVII. Baptismus omnibus necessitate medii, & adultis, qui libero utuntur arbitrio, & Evangelicæ legis notitiam habent, etiam necessitate præcepti, necessarius est ad salutem. LXVIII. Baptismus fluminis, idest, ardens baptismi votum supplet in adultis, non autem in parvulis, qui perse votum illud nequeunt concipere, necessitatem baptismi fluminis, hoc est, aquæ. LXIX. Baptismus quoq; sanguinis, idest, Martyrii supplet baptismi vicem, non tantum in adultis, verum etiam in parvulis. LXX. Gratiam, Characterem, aliosq; effe-



Ætus præstantissimos producit in nobis sanctum baptismi lavacrum. LXXI. Abrenunciationes Satanae, Exorcismi, & Exsufflationes in solemnè administratione baptismi recte adhibentur.



## DE CONFIRMATIONE.

LXXII. Confirmatio est verum ac proprium novæ legis Sacramentum. LXXIII. Instituta fuit eo temporis intervallo, quo Christus à mortuis redivivus per dies quadraginta cum Apostolis permansit loquens de regno DEI, ut habetur Actorum capite primo. LXXIV. Manus impositio est Sacramenti Confirmationis materia essentialis. LXXV. Immo & Chrismatis unctio. LXXVI. Quare in utroq; impositione scilicet manuum, & Chrismate, constitui debet materia adæqvata Confirmationis. LXXVII. Oratio præcedens unctionem, & manuum impositioni respondens, non est forma Sacramenti Confirmationis. LXXVIII. Sed verba, quæ comitantur Chrismatis inunctionem, idest, *signo te signo crucis, & confirmo te chrismate salutis, in nomine Patris, &c.* tametsi accidentariam aliquam mutationem subierint, sunt apud Latinos vera, propria, & adæqvata forma hujus Sacramenti. LXXIX. Græcorum vero forma, & ea quidem valida, est, *signaculum domini Spiritus Sancti*. LXXX. Minister Ordinarius Confirmationis est solus Episcopus. LXXXI. Potest simplex Sacerdos ex dispensatione, five *extraordinaria* facultate, hoc Sacramentum conferre. LXXXII. Quamquam ut simplex Presbyter valide confirmet, requiratur in Ecclesia Occidentali delegatio summi Pontificis; & in Orientali consuetudo universim recepta, quam idem Romanus Pontifex aut approbet, aut saltem permittat. LXXXIII. Homines omnes, dummodo sint initiati baptismate, sunt ad recipiendum Confirmationis characterem idonei. LXXXIV. Adulti, qui sibi met conpicii sint mortalis culpæ, debent Confirmationi præmittere Confessionem Sacramentalem. LXXXV. Ut à jejuniis detur, & accipiatur Sacramentum istud, congruum est. LXXXVI. Confirmatio necessaria non est necessitate mediæ ad salutem. LXXXVII. Tametsi necessaria sit five in re, five in voto necessitate præcepti non tantum Ecclesiastici, verum etiam divini, iis, qui vel coram Tyranno fidem profiteri debent, vel adversus Christianam fidem crebris, gravibusq; tentationibus exagitantur. LXXXVIII. Si adsit Episcopus, ac se ad confirmandum neophytos denuntiet esse paratum, adulti ætate, nulloq; legitimo impedimento detenti, si consignari negligant, mortali peccato sese obstringunt. LXXXIX. Sacramento Confirmationis confertur gratia sanctificans, five, ut loquuntur Scholæ, gratum faciens. XC. Gratia, quam producit hoc Sacramentum, est augmentum gratiæ tribuens baptizato perfectionem, robur, ac firmitudinem. XCI. Gratia hæc connotative differt à gratia baptismali, eaq; non absolute, sed tantum comparative est perfectior. XCII. Sacramentum Confirmationis imprimit characterem, atq; iterari non potest. XCIII. Ritus, quo olim hæretici recipiebantur in Ecclesiam, non erat Confirmationis repetitio. XCIV. Neq; Augustinus, neq; Cyprianus affirmave-



XCVIII. Sacramentum Eucharistiæ situm est in visibili specie elementorum, & invisibili Domini nostri carne, & sanguine; non autem in sola symbolorum consecratione, aut sumptione. XCIX. De hujus Sacramenti institutione dis-  
ferentes principio ostendimus, immolatum olim fuisse *Pascha* Judaicum in men-  
se Nisan Luna 14. exeunte, idest, horis pomeridianis decimæ quartæ diei  
mensis Nisan, ad quas conseqvebatur vespera, initiumq; diei decimæ quintæ,  
& Paschalis solemnitas. C. Tempore Christi Domini non utebantur Judæi du-  
plici Neomenia, à phase lunæ, & à congressu planetarum deducta; neq; du-  
plici calculo, Astronomico, & vulgari, quorum unum Dominus, alterum  
Jerololymitani secuti fuerint. CI. Christus Dominus pridie quam pateretur *lega-*  
*le Pascha* una cum discipulis suis manducavit. CII. Idq; eadem die cum Judæis.  
CIII. Nullus Judæorum anno Passionis Christi distulit Pascha in proximum Sab-  
batum, & in exeuntem lunam decimam quintam. CIV. Quapropter Christus  
Dominus Sacramentum Corporis sui consecravit in azymo. CV. Viguit in Ro-  
mana Ecclesia ab Apostolorum ætate ad hanc usq; perpetuus azymi usus. CVI.  
Quamobrem imperite quidam Græcorum vitio vertunt Romanæ Ecclesiæ, quod  
consecrēt in azymo. CVII. At etiam Græci *Fermento* sub usi sunt olim, idq; an-  
te exortum schisma Photianum. CVIII. Valde iccirco tam in *azymo* pane,  
quam in *Fermentato* conficitur Eucharistia. CIX. Dummodo tamen panis triti-  
ceus sit. CX. Vinum, est præter panem divinæ Eucharistiæ *materia*, nec ejus  
loco substitui potest aqua, sive alius liquor, etiamsi communi usui *deserviat*  
ad potum. CXI. Cui modicum naturalis aquæ *perantiqva* traditione, & Eccle-  
siæ præcepto debet infundi. CXII. Hinc aqua cum vino permixtio non est  
de necessitate Sacramenti, sed tantum præcepti, & quidem Ecclesiastici, non  
divini. CXIII. Aqua vino permixta in Christi *Sanguinem* convertitur, & qui-  
dem *immediate*, ut probabilius censemus. CXIV. Eucharistia verbis Domini-  
cis, non precibus, quæ antea, vel post recitantur, à Sacerdotibus consecra-  
tur. CXV. Nam ea duntaxat verba, *Hoc est Corpus meum*, &, *Hic est Calix San-*  
*guinis mei*, aut, *Hic est Sanguis meus*, consecrationi essentialia sunt; quamvis o-  
mne studium adhibendum sit, ne cetera præmittantur. CXVI. Consecratio-  
nis verba, non historice tantum, & narrative, sed *assertive* etiam, & *significa-*  
*tive* pronuntiantur. CXVII. In Eucharistia vere Corpus & Sanguis Domini no-  
stri Jesu Christi continetur. CXVIII. Neq; manet ibi panis viniq; substantia,  
sed vi consecrationis in substantiam Corporis, & Sanguinis Christi convertitur.  
CXIX.



CXIX. Ex reali Corporis & Sangvinis D. J. C. præsentia sub symbolis Eucharisticis; infertur primum ipsi Domino in Eucharistia existenti latræ cultum esse exhibendum. CXX. In templis itidem religiose ac diligenter ipsam Eucharistiam asservandam. CXXI. Optimo Consilio solemne Festum Sacratissimi Corporis Christi fuisse institutum. CXXII. Et cum eodem solemnî Festo *Processionem*, in qua Sacratissima Eucharistia circumfertur. CXXIII. Rursus hanc religiosissime exponi, & circumgestari aliis quoque temporibus, modo quædam præceptiones servantur. CXXIV. Eucharistiam consecrare, & conficere ad solos attinet Sacerdotes. CXXV. At aliquando illam dispensarunt etiam Diaconi, præsertim sub specie vini, Antistitum tamen jussu & delegatione. CXXVI. Eucharistia non est omnibus prorsus, sive adultis, sive parvulis, ita ad salutem necessaria, ut nullus omnino possit sine illa salutem consequi. CXXVII. Quamvis, si accipiat manducatio Corporis Christi, mystico sensu, quatenus idem est, ac Ecclesiæ copulari, sit omnino aut in re, aut saltem in voto, de necessitate salutis. CXXVIII. Non erravit proinde Augustinus adstruens communionem Corporis & Sangvinis Domini singulis, etiam parvulis, necessariam; siquidem de communione mystica, non de Sacramentali loquebatur. CXXIX. Tenentur præcepto divino ad communionem Sacramentalem adulti. CXXX. Et præcepto Ecclesiastico saltem seniel in anno, recurrente solemnitate Paschali. CXXXI. Quod Ecclesiæ præceptum adimpleri nequit communione sacrilega. CXXXII. Neque divinum præceptum, neque salutis necessitas exigit, ut Laici sub utraque specie communicent. CXXXIII. In Ecclesia enim Occidentali etiam ante duodecimum sæculum Eucharistia frequentissime sumebatur sub unica specie panis. CXXXIV. Obtinuitque aliquando in Orientali Ecclesia idem usus. CXXXV. Revera sub utraque specie continetur totus, & integer Christus. CXXXVI. Eademque gratia confertur communicanti sub unica tantum specie, ac conferatur utramque speciem sumenti. CXXXVII. Jure optimo, atque omni æquitate non Sacerdotibus usus calicis sublatus est. CXXXVIII. Nec expedit, ut iterum permittatur. CXXXIX. Ut vero etiam in iis, quæ ad sacrificium pertinent, refutemus hæreticos; affirmamus Christum, quando Eucharistiam instituit, obtulisse in ea verum sacrificium, atque præcepisse etiam Apostolis, ut illud in sui commemorationem offerrent. CXL. Sacrificium istud, quod Christus instituit, & in Ecclesia offerendum præcepit, non est sacrificium improprie acceptum, atque, ut contendunt hæretici, sola Dominici Corporis distributio, & communicatio, sed vera oblatio habens proprii sacrificii rationem. CXLI. Incrumentum Missæ sacrificium est vere *propitiatorium*. CXLII. Neque pro viventibus tantum, verum etiam pro illis, qui cum pietate defuncti sunt, debet offerri. CXLIII. At pro damnatis, & pro sanctis in cælo regnantibus sacrificium tanquam *propitiatorium* offerri non potest; pro his tamen, nempe sanctis, ob alias causas rite peragitur. CXLIV. Rectus per omnia est Missarum *privatarum* usus. CXLV. Quare impie & sacrilege hæretici unam tantum Missam communem, reprobatas ceteris, commendant, atque deprædicant. CXLVI. Frustraque calumniantur, multitudinem Missarum pravo sine fuisse introductam.



## DE POENITENTIA.

CXLVII. Pœnitentia est verum ac proprium novæ legis Sacramentum. CXLVIII. Et quidem diversum à Sacramento baptismi. CXLIX. Tunc præcipue institutum cum Dominus à mortuis excitatus insuflavit in discipulos suos, dicens, *accipite Spiritum Sanctum, quorum remiseritis, &c.* CL. Est autem hoc Sacramentum lapsis post baptismum ad salutem prorsus necessarium. CLI. Nullum omnino datur peccatum, quod per pœnitentiam expiari, & ab Ecclesia remitti non possit. CLII. Partes pœnitentiæ non sunt terrores incussi, & fides, ut volunt hæretici, sed contritio, Confessio, & Satisfactio, quemadmodum docent Catholici, CLIII. Ad contritionem requiritur odium, & detestatio peccati, melioris vitæ propositum, nec non ut interna sit, vera, supernaturalis, atq; ad omnia patrata scelera sese extendat. CLIV. Sententia necessitatem amoris initialis ad gratiam in Sacramento pœnitentiæ obtinendam propugnans, è diametro opponitur doctrinæ hæreticorum à Sacrosancto Concilio Tridentino proscriptæ. CLV. Tridentinum Concilium Sess. 14. cap. 4. nequaquam definit, Attritionem *servilem*, & ab amore *initiali* sejunctam ad gratiam, remissionemq; peccatorum in Sacramento pœnitentiæ obtinendam *sufficiens* disponere. CLVI. Sententia ad gratiam in Sacramento pœnitentiæ consequendam exigens *initialem* amorem ipsi Tridentino Concilio, sacris litteris, Patribus, & rationi videtur esse conformis. CLVII. Amor necessarius ad gratiam in Sacramento obtinendam est amor charitatis, non spei tantum, quo diligitur Deus, *ut bonus nobis.* CLVIII. E sacris litteris demonstratur divinum Sacramentalis Confessionis præceptum, CLIX. Eadem Sacramentalis Confessionis necessitas ex majorum Traditione habet robur ac firmitatem. CLX. Sacramentalis Confessio non est medium ad salutem consequendam tantum perutile, ut oggamiunt hæretici, sed necessarium necessitate illa, quam dicunt *medii*, iis, qui post baptismum mortali culpa inquinantur. CLXI. Necessum autem est, ut pœnitentes enumerent omnia peccata lethalia, quorum reminiscuntur. CLXII. Nonnulli interdum præcis Ecclesiæ sæculis, ob doloris vehementiam, atq; fideliū ædificationem enuntiabant publice peccata sua. CLXIII. Atq; probabilis est illorum opinio, qui consenti aliquando Ecclesiarum Antistites præcepisse pœnitentibus, ut publicorum peccatorum publicam ederent confessionem. CLXIV. At nunquam lege aliqua divina, vel Ecclesiastica statutum est, ut peccata occulta in Confessione publice proferantur. CLXV. Confessioni & Pœnitentiæ publicæ, quæ olim fuit in usu, præmittebatur secreta peccatorum confessio, quæ audita Sacerdos pœnitentiam imponebat, & hortabatur confessum, ut pœnitentiæ insisteret aliquod peccatum palam enuntiaret; in quo summa adhibebatur prudentia, ut ex tali enumeratione oriretur fidelium ædificatio, non scandalum: ideoq; Sacramentalis Confessio non ex publica pœnitentia, aut ex publica aliquorum peccatorum confessione duxit exordium; sed è contra publica pœnitentia, & publica aliquorum delictorum accusatio ex præmissa Sacramentali, & ea quidem secreta, confessione derivavit. CLXVI. Quidam etiam per litteras commissa scelera confessi sunt. CLXVII. Hæc tamen Confessio non est Confessio Sacramentalis licita, nec valida. CLXVIII. Eadem Confessio per litteras etiam ante Clementis Octavi definitionem divino jure irrita erat ac nulla. CLXIX. Possunt venialia peccata, utiliter, citraq; omnem præ-

sum.



sumptionem Sacerdotibus enuntiari. CLXX. At mortalium singulorum, debet *Species* ac numerus aperiri. CLXXI. Si *speciem* mutant, aut plurimum gravitatem peccati adaugeant, defegendæ qvov; omnino sunt in Confessione circumstantiæ. CLXXII. Haud secus de peccatis dubiis est sentiendum, si talia appareant prudenti & rationabili causa, non autem levi atq; inani. CLXXIII. Non debet dividi peccatorum confessio, adeo, ut qvædam uni, qvædam alteri Sacerdoti enuntientur. CLXXIV. Qvi audiunt confessiones ad Sigillum naturali, divino, & Ecclesiastico jure tenentur. CLXXV. Nulla datur confessio, qvæ sit valida qvantum ad Sacramenti substantiam, & sit absq; effectu, sive ut inqviunt è Schola, *informis*. CLXXVI. Episcopi duntaxat, ac Presbyteri Sacramentum pœnitentiæ administrare qveunt. CLXXVII. Ideoq; *Exomologesis*, de qvâ S. Cyprianus, & reconciliatio in vitæ discrimine data per Diaconum, non erat confessio & absolutio Sacramentalis. CLXXVIII. Et qvamvis permulti in vitæ exitu, cum non haberent Sacerdotis copiam, confessionem fecerint Laicis, & ad confessionem eo in casu Laicis faciendam hortati sint viri gravissimi; confessio tamen hujusmodi nec Sacramentalis dici potest, neq; necessaria ad salutem. CLXXIX. Sacerdoti, ut aliquem valide absolvat, excepto mortis articulo, necessaria est potestas jurisdictionis, & approbatio Episcopi. CLXXX. Danda est opera in grave scelus prolapsis, ut qvam primum confiteantur. CLXXXI. Satisfit præcepto Ecclesiastico annuæ confessionis, per confessionem factam cuiq; Confessario approbato, tametsi non sit Parochus. CLXXXII. Non tamen per Confessionem Sacrilegam. CLXXXIII. Aperte non evincitur viguisse olim, sive apud Latinos, sive apud Græcos, *formam* Sacramentalis absolutionis *deprecativam*. CLXXXIV. At sive obtinuerit, sive non *forma* absolutionis *deprecativa*, Sacramento constituendo magis congrua, & idonea est illa, qvæ in Latina Ecclesia usurpatur. CLXXXV. Sacerdos absolutionis *formam* pronuntians non declarat peccata à Deo jam esse dimissa, sed ipse auctoritate à Christo accepta eadem peccata relaxat. CLXXXVI. Absolutionis beneficio privandi sunt, extra imminentis mortis periculum, inolita peccandi consuetudine implicati. CLXXXVII. Deneganda est pariter absolutio his, qvi deferere proximam peccandi occasionem nolunt. CLXXXVIII. Nemini tamen baptizatorum, qvamvis perditissimo, in exitu mortis petenti reconciliationem atq; absolutionem posse illam negari. CLXXXIX. Haud secus de illis sentiendum, qvi posteaqvam Confessarium petierunt, dederuntq; pœnitentiæ signa, Sacerdote adventante, loqvendi facultate, atq; exteriori sensu destituuntur. CXC. At probo frugiq; viro, qvi nullo præmisso pœnitentiæ signo circumvenitur mortis angustiis, agitq; animam, absolutionem *conditionate* impendendam esse censemus. CXCI. Si de veteri Ecclesiæ disciplina velimus differere, ab Apostolorum tempore usq; ad ætatem Tertulliani omnibus peccatis remissio & venia concessa est. CXCH. Circa Tertulliani tempora nonnulli mæchis negabant absolutionem: at non erat hæc Ecclesiarum Catholicarum communis consuetudo; neq; hanc communem consuetudinem Tertullianus recenset, ideoq; immerito à doctis viris putidi mendacii arguitur. CXCH. Decreto itaq; Zephyrini non relaxatus est circa mæchiam rigor antiquioris disciplinæ, sed repressa potius est disciplina illa durior circa Tertulliani ætatem inducta, qvæ adversus perantiquam institutionem mæchis pœnitentiam agentibus negabat reconciliationem, & pacem. CXCH. Recte proinde se gessit S.



Cyprianus lapsis omnibus post aeternam poenitentiam indulgens veniam, nec pristinam Ecclesiae disciplinam violavit. CXCIV. Neq; in exitu mortis idem Cyprianus, vel Africanum Concilium negavit lapsis & sacrificatis reconciliationem & pacem. CXCVI. Quod Sanctus Cyprianus Epistola 55. ad Cornelium scripserit, desertores suos facilliter susceptos, argumentum non est, disciplinae severitatem fuisse ab eodem Cypriano laxatam. CXCVII. Nullus in lapsis reconciliandis pro disciplinae aequitate pugnavit magis, quam beatissimus Cyprianus. CXCVIII. Quod S. Cyprianus ordinaria lege pacem daret post poenitentiam exactam, aliorum quoq; praxi & consuetudine comprobatur; quamquam non sit de Sacramenti substantia, ut satisfactio absolutionem praecedat. CXCIX. Quae apud Cyprianum, aliosq; nonnullos leguntur de pace aliquando lapsis in exitu mortis non concedenda, non evertunt quae superiori propositione centesima octava diximus de absolutione eo in casu nemini deneganda. CC. De satisfactione, ut de postrema poenitentiae parte agamus modo, haec sentimus: Flerumq; dimissa culpa temporales poenae remanent laudandae. CCI. Potest, ac debet Sacerdos confessis poenas satisfactorias injungere. CCII. Satisfactionis opera non imponuntur tantum ad aliorum exemplum, & aedificationem Ecclesiae, verum etiam ad redimenda peccata, ad satisfaciendum Deo, & ad componendas illatas ipsi injurias. CCIII. Novem Sacramentum poenitentiae fructus producit. CCIV. Inter quos praecipuus est bonorum operum reviviscentia. CCV. Peccata autem per poenitentiam remissa, per subsequentem culpam minime redeunt, nisi, ut inquit theologi, secundum quid.

DE EXTREMA UNCTIONE.

CCVI. Extremam Unctionem esse verum ac proprium novæ legis Sacramentum ex Catholica Jacobi Epistola invicte demonstratur. CCVII. Idem ex Traditione constat. CCVIII. Hujus Sacramenti mentionem feri capite sexto Marci, non quidem certam, sed tamen admodum probabilis sententia est. CCIX. Sacramentum Extremæ Unctionis à Christo fuit institutum, ac probabilius *immediatè* & priusquam cælos conscenderet. CCX. Oleum ex olivis expressum, & ab Episcopo consecratum est hujus Sacramenti materia. CCXI. Perperam Calvinus olei hujus benedictionem cum mordacitate deridet. CCXII. Potest simplex Sacerdos oleum infirmorum auctoritate Apostolica, non autem ordinario jure, in Latina Ecclesia solemnè benedictione consecrare. CCXIII. Certum non est valere Sacramentum Extremæ Unctionis oleo non consecrato collatum. CCXIV. Circa partes Corporis inuagendas diversa transactis sæculis obtinuit disciplina. CCXV. At Romanæ Ecclesiæ rectissime Unctiones septem præscribit. CCXVI. Quamvis septem Unctiones in Rituali Romano præscriptæ prætermitti non debeant: ad Sacramenti tamen *Substantiam* potest unctura una luscicare. CCXVII. Plures unctiones referuntur ad unum Sacramentum constituendum. CCXVIII. Ut unctio fiat pollice Sacerdotis intincto, recte præcipitur; ast neq; ritum istum petit Sacramenti necessitas. CCXIX. In Extremæ Unctionis Sacramento aliqua verborum formula est adhibenda. CCXX. Theologorum Sententia, quæ tenet *Formam* hujus Sacramenti olim fuisse expressam



CCXXXVI. Ordo, quo sacri Ministri Initiantur, est verum propriumq; Evangelicæ legis Sacramentum. CCXXXVII. Septem ab initio ad hæc usq; tempora Ordines obtinuerunt in Ecclesia Latina. CCXXXVIII. Idem septenarius Sacrarum Ordinationum numerus in Græca quoq; Ecclesia offenditur. CCXXXIX. Clericalis tonsura obtinuit in Ecclesia ab Apostolorum ætate, & instituta fuit, ut Clerici distinguerentur à Laicis. CCXL. Quæ non est verus Ordo. CCXLI. At quatuor minores Ordines verisimilius est, esse, Sacramenta. CCXLII. Hypodiaconatus est Sacramentum, & Ordo Sacer, non autem Hierarchicus. CCXLIII. Diaconatus vero, ad cuius sacrum Ministerium *Sacramentali Ordinatione* promoti fuerunt viri illi septem, de quibus A& 6. CCXLIV. Est Sacramentum, nec non Ordo Sacer, & Hierarchicus. CCXLV. Quamquam Diaconissas sacra aliqua ceremonia fuisse initiatas, negari non possit, earum tamen Ordinationem non fuisse initiationem aliquam







mercium consensio. CCLXXIV. Validum nequit esse Matrimonium, quod occultata simulatione, absq; interiori nimirum animi consensu, contrahitur. CCLXXV. Quamvis communiter loquendo graviter peccent filii, qui Matrimonium contrahunt parentibus invitis & reluctanter; non requiritur tamen consensus parentum, ut contractus Matrimonialis ratus sit, ad legitimus. CCLXXVI. Matrimonium inter absentes initum, modo quædam conditiones servantur, validum censendum est, saltem in ratione contractus. CCLXXVII. De Matrimonio, quod Sacramentum non est, sed contractus tantum civilis, ejusmodi est quod inter infideles contrahitur, potest Magistratus & Princeps secularis causas assumere, & constituere impedimenta. CCLXXVIII. Statuere autem impedimenta Matrimonii, atq; de hoc proferre judicium, postea quam ad Sacramenti dignitatem evectum fuit, pertinet ad jus, & ad auctoritatem Ecclesiæ. CCLXXIX. Dispensare itidem in impedimentis Matrimonii Ecclesiasticæ potestatis munus est, idq; urgentibus duntaxat causis fieri debet. CCLXXX. Matrimonium *dirimentia* impedimenta rectissime in connubiis attenduntur. CCLXXXI. Impedimenta item *impedientia* vulgo appellata, sedulo sunt observanda, neq; aliquod horum tyrannicæ superstitionis damnandum. CCLXXXII. Quamquam Claudestinæ nuptiæ ante Tridentinum Concilium ratæ fuerint, semper tamen illas Ecclesia Christi detestata est. CCLXXXIII. Potuit Tridentinum Concilium nulla & irrita declarare Claudestina conjugia, ac talia declarando optime se gessit; ideoq; post hujus Concilii Sacrosancta decreta non solum hujusmodi conjugia noxia & illicita sunt, verum etiam irrita prorsus ac nulla. CCLXXXIV. Valida quidem sunt, sed noxia & illicita Matrimonia Catholicorum cum hæreticis. CCLXXXV. Arbitramur confici Matrimonii Sacramentum à contrahentibus, seu, quod idem est, Ministrum hujus Sacramenti esse contrahentes ipsos. CCLXXXVI. *Polygamia virilis*, idest, Matrimonium plurium virorum cum una uxore, inauditum ac turpissimum scelus, & omnino juri naturæ contrarium foret. CCLXXXVII. Uxorum pluralitas finibus Matrimonii Secundariis repugnat, ac primæ illius institutionis, ac perfectioni adversatur. CCLXXXVIII. Antiqui tamen Patres, qui Uxores plures duxerunt, immunes fuerunt à culpa. CCLXXXIX. Verumtamen in Evangelica lege nefas est connubium iniri cum pluribus simul uxoribus. CCXC. At soluto cum priore conjugio per mortem, aut alia de causa connubio, fas est aliam ducere, eademq; ratione tertiam, & quartam, &c. CCXCI. Per libellum repudii non solvebatur vinculum prioris conjugii, neq; fas erat Judæis cum alia uxore contrahere, sed hoc illis Moyses indulserat *propter cordis duritiam*, & ne exosas mulieres intestino odio prosequerentur, vel morte afficerent. CCXCII. In Evangelica lege non dissolvitur per adulterium nexus & vinculum Matrimonii. CCXCIII. At Matrimonium ratum, & non consummatum, per religiosam professionem vere dissolvitur. CCXCIV. Præter fornicationem alterius conjugum, sunt aliæ causæ ob quas, conjugati fœdere permanente, viri ac mulieres separentur quoad torum. CCXCV. Celebrandum vero est Matrimonium cum Sacerdotali benedictione, junctis sponsum dexteris, porrectoq; anulo nuptiali.

Hæc vero sunt, quibus refellere heterodoxos, Theologis satisfacere, uni versumq; de Sacramentis concludere Sermonem, Fratres Ordinis Eremitarum S. Augustini, apud Sanctam Catharinam Virginem & Martyrem, Anno Vulgaris Aere MDLCCCL. curabant, assensu.

Philippi Liehocki

G. 1148



